

تبریز یونسکویا اۆلکه‌نین کتاب پایتختی کیمی معرفی‌لیق اولور

یکشنبه گونو شرقی آذربایجان استانی‌نین عمومی فرهنگ شوراسی جلسه‌سینده، تبریزین اۆلکه‌نین کتاب پایتختی کیمی تانیماغا ایشلرین گۆرولمه‌سیندن خبر وئریلدی.

بو جلسه‌ده شرقی آذربایجان استانداری، جبارزاده دئدی: «تبریزین اۆلکه‌نین کتاب پایتختی اولماسی طرحینه تقدیم ائله‌ماق مبارک و دَیَرلی ایشدیر. بو ایش تبریزه یاراشان فرهنگ فعالیتدیر آما بو جور فعالیتلرین ادامه‌سی اولمالیدیر».

بو جلسه‌ده شرقی آذربایجانین اسلامی ارشادین مدیر کئی، صفی پور بو طرحی تقدیم ائله‌ماغینان دئدی: وئردیغیمیز طرح بئش مشهد، تهران، قم، اصفهان و شیراز شهرلرین طرحلری اینن رقابت ائلیه‌جاق کی تبریزین سئچیلمه‌سینه اومیدیمیز وار.

صفی پور آرتیردی: تبریز شهر کتابین توسعه وئرماق، ائودن ائوه کتاب طرحی، کتاب احسان و وقف طرحی، عاگیللی کتابخانا یولا سالماق و کاغذدان کتابا محیط زیست طرحی، اسلامیارشاد وزارتینه تقدیم اولن طرحلردندیر.

او، کتابخانا ساییسی، کتاب ساتیلان یئرلر، مطالعه میزانی، شهرلرین دانشگاه، دانشجو و فرهنگی سابقه‌لرین ساییسینی اۆلکه‌نین کتاب پایتختی سئچیلمه‌سینده تاثیرلی اولدوغونو دئدی.

یونسکو، ایله‌ده بیر شهری اۆز اۆلکه‌سینده کتاب پایتختی اولاندان سونرا دنیا کتاب پایتختی نامزدی کیمی تانیندیرار.